

Sıra: 10

IST_MFT_MSH_SAID_0254_0026_1_1337H_Safer_18 [23 Kasım 1918]_N

Hüseyin Bedreddin Efendi.

Suâller:

1- Terceme-i hâl sâhibinin isim ve mahlası ve şöhret ve lakabı, bir sülâle-i ma'rûfeye mensûb ise keyfiyyet-i nisbeti, mezheb-i i'tikâdî ve amelîsi ve hangi tarîkten müstahlef olduğu ve târih-i intisâbıyla müstahlef oluncaya kadar müddet-i hizmeti ve şeyhinin isim ve şöhreti?

2- Târih ve mahall-i vilâdeti ve pederinin isim ve şöhreti?

3- Resmî ve husûsî hangi mekteb ve medreselerde yâhud muallim-i mahsûsdan hangi ilim ve fen ve sanat ve lisânları ne dereceye kadar tahsîl eylediği, şehâdetnâme ve tasdîknâme ve icâzetnâme alıp almadığı, almış ise târihleri, hangi lisânlarla kitâbet yâhud yalnız tekellüm ettiği, tab ve neşrolunmuş eser ve te'lîfi var ise neye dâir olup ne zaman ve nerede tab ve neşrolunduğu?

4- Hâl-i hâzırda veyâhud evvelce hizmet-i devlette bulunup bulunmadığı?

5- Postnişini bulunduğu dergâh-ı şerîfin bir veya müteaddid ismi ve ne nâm ile yâd olunduğu ve semt-i meşhûru ve meşihat cihetinin târih-i tevcîhi?

6- Bânîsinin ve ikinci bânîsi var ise isimleri ve târih-i binâsı?

7- Dergâhın esâsen mensûb olduğu tarîkat-i aliyye ile el-yevm erkânı icrâ edilmekte olan tarîkat-ı aliyyenin ismi, eyyâm ve leyâli-i mahsûsası, el-yevm icrâ-yı erkân edilmemekte ise sebebi?

Dergâhta meşihatten mâ'adâ cihât-ı sâirenin meşrût ve mevcûd olup olmadığı ve kimlerin uhdelerinde bulunduğu ve dergâhın ma'mûlün-bih ve müseccel vakfiyesi bulunup bulunmadığı ve vakfiyesi yok ise te'âmül-i kadîmi neden ibâret olduğu?

8- Sâhib-i tercemenin hulefâsı var ise isim ve şöhretleri ve mahal ve târih-i vilâdetleri ve inâbe eden dervîşânın adedi?

9- İşbu varakada muharrer suâllerin cevâbları alâ-vechi's-sihha cevâb hânelerine tahrîr ve zîr-i varaka imzâ ve tahtîm edildikten sonra merkezlerden ve merkez bulunan tekâyâ meşâyihinin terâcim-i ahvâli Sermüfettişlik'ten ba'de't-tasdik Meclis'e tevdi' olunacaktır. Bir me'mûriyette bulunup da evvelce terceme-i hâl varaka-i resmîyesi i'tâ etmiş olan zevât dahi Meclis-i Meşâyih Nizâmnâmesi ahkâmına tebe'an işbu varakayı imlâ edeceklerdir.

Cevaplar:

1- İsmim Hüseyin Bedreddin'dir. Tarîkat-i Şa'bâniyyeden'im ehl-i sünnet ve'l-cemâ'atten Hanefî mezhebim.

2- Bin iki yüz seksen yedi senesi Şevvâl'inin birinde Dersâadet'te tevellüd eyledim. Pederim merhûm Şeyh Nûrî Efendi'dir.

3- Mekâtib-i ibtidâiyyeden mukaddime-i ulûm-ı dîniyye ve Atlamataşı Rüşdiyyesi'nde müretteb dersleri tahsîl ederek bâ-şehâdetnâme çıkdım. Türkçe okur-yazarım te'lifim yoktur.

4- Kadıköy Dâire-i Belediyesi Müdüriyeti'nden munfasıl.

5- Çamlıcalı Mehmed Efendi ve Çınarlı Dergâhı demekle ma'rûf olup Dâire-i Atık mahallesi-nin Çinili caddesinde kâin, bin üç yüz yirmi iki târihinde uhde-i da'iyâneme dergâh-ı mezkûr meşihati tevcîh buyurulmuştur.

6- Bânîsi Çamlıcalı Mehmed Efendi merhûmdur.

7- Tarîkat-i Şa‘bâniyye’denir ve perşembe günleri icrâ edilmektedir. Türbedârlık vazîfesi vardır. Alâaddin Efendi uhdesindedir. Vakfı, Laleli vakfındadır.

8- -

9- İşbu terceme-i hâl varakası Çamlıcalı Mehmed Efendi hazretlerinin Dergâh-ı şerîfi postnişini efendi tarafından irsâl kılınmağla şerh verildi.

Sıra: 11

IST_MFT_MSH_SAID_0254_0027_1_1337H_Safer_18 [23 Kasım 1918]_N

Mehmed Ali Nutkî Baba Efendi.

Suâller:

1- Terceme-i hâl sâhibinin isim ve mahlası ve şöhet ve lakabı, bir sülâle-i ma‘rûfeye mensûb ise keyfiyyet-i nisbeti, mezheb-i i‘tikâdî ve amelîsi ve hangi tarîkten müstahlef olduğu ve târih-i intisâbıyla müstahlef oluncaya kadar müddet-i hizmeti ve şeyhinin isim ve şöhreti?

2- Târih ve mahall-i vilâdeti ve pederinin isim ve şöhreti?

3- Resmî ve husûsî hangi mekteb ve medreselerde yâhud muallim-i mahsûsdan hangi ilim ve fen ve sanat ve lisânları ne dereceye kadar tahsîl eylediği, şehâdetnâme ve tasdîknâme ve icâzetnâme alıp almadığı, almış ise târihleri, hangi lisânlarla kitâbet yâhud yalnız tekellüm ettiği, tab ve neşrolunmuş eser ve te‘lîfi var ise neye dâir olup ne zaman ve nerede tab ve neşrolunduğu?

4- Hâl-i hâzırda veyâhud evvelce hizmet-i devlette bulunup bulunmadığı?

5- Postnişini bulunduğu dergâh-ı şerîfin bir veya müteaddid ismi ve ne nâm ile yâd olunduğu ve semt-i meşhûru ve meşihat cihetinin târih-i tevcîhi?

6- Bânîsinin ve ikinci bânîsi var ise isimleri ve târih-i binâsı?

7- Dergâhın esâsen mensûb olduğu tarîkat-i aliyye ile el-yevm erkânı icrâ edilmekte olan tarîkat-ı aliyyenin ismi, eyyâm ve leyâlî-i mahsûsası, el-yevm icrâ-yı erkân edilmemekte ise sebebi?

Dergâhta meşihatten mâ‘adâ cihât-ı sâirenin meşrût ve mevcûd olup olmadığı ve kimlerin uhdelerinde bulunduğu ve dergâhın ma‘mûlün-bih ve müseccel vakfiyesi bulunup bulunmadığı ve vakfiyesi yok ise te‘âmül-i kadîmi neden ibâret olduğu?

8- Sâhib-i tercemenin hulefâsı var ise isim ve şöhetleri ve mahal ve târih-i vilâdetleri ve inâbe eden dervîşânın adedi?

9- İşbu varakada muharrer suâllerin cevâbları alâ-vechi’s-sihha cevâb hânelerine tahrîr ve zîr-i varaka imzâ ve tahtîm edildikten sonra merkezlerden ve merkez bulunan tekâyâ meşâyihinin terâcim-i ahvâli Sermüfettişlik’ten ba‘de’t-tasdîk Meclis’e tevdi‘ olunacaktır. Bir me‘mûriyette bulunup da evvelce terceme-i hâl varaka-i resmiyyesi i‘tâ etmiş olan zevât dahi Meclis-i Meşâyih Nizâmnamesi ahkâmına tebe‘an işbu varakayı imlâ edeceklerdir.

Cevaplar:

1- Mehmed Ali Nutkî Baba Efendi’ye [1]309’da müstahlef oldum. Babam Hacı Bektâş-ı Velî hazretlerinin merkad-i mübâreklerine yüz sürüp icâzetimi tasdîk ettirdim. [1]322’de [1904/1905] tekrar gidip hilafetnâme aldım. [1]312’de [1894/1895] tarik-i Nakşîyye’den